



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

9550

9551

638.4

L-93

2011

638.4 W
L-93

Վ. ԼՈՒՆԿԵՎԻՉ

21

ՊՍԻԿ Է ԲԱՅՑ ՉՍԻԿ Է

Մշինների կեանքից հետազոտութիւն

2102



Թ Ի Ֆ Լ Ի Ս

ՏՊԱՐԱՆ «ԱՐՐ» Տ. ՆԱԶԱՐԵԱՆԻ

Քուրդկա, պր. Ա. Ուրբանովա, քաղ. ահեկա:

1890

5. 1. 1. 1

27277-43

Дозволено цензурою, Тифлисъ, 1890 г. 12-го августа.
Тип. „Ароръ“ Т. Я. Назарьянъ, уг. Гол. пр. и Бар. ул.



6204-57

Այս գրքոյկից յետոյ,—որ յատկապէս ժողովրդական հրատարակութիւնների համար յանձըն առաւ գրել երիտասարդ քնագէտ Վ. Լուկեվիչ,—ըյս կը տեսնեն ժողովրդական ընթերցանութեան համար խմբագրված մի շարք գրքոյկներ, որոնց նիւթը վերցրած պիտի լինի գրելաւորապէս քնական գիտութիւնից ու նպատակը կը լինի ժողովրդացնել ժողովրդի ընթերցանութեան եւ հասկացողութեան մատչելի դարձնել քնութեան եւ գիտութեան այն երեւոյթները եւ տարերքը, որոնք մինչեւ այժմ էլ անթափանցելի գաղտնիք են մնացել մեր ժողովրդի համար:

Պարզել շրջապատող քնութեան մէջ ամեն քայլափոխում տեղի ունեցող հետաքրքրական երեւոյթները, հասկացնել թէ ինչպէս են առաջ գալիս օդային երեւոյթները, թէ ինչ է անձրեւը, կարկուտը, ձիւնը, կայծակը, թէ ինչպէս է առաջանում ցերեկը եւ գիշերը, ամառը եւ ձմեռը, բացատրել թէ ինչ է օդը, ջուրը, հողը, բացատրել քիմիական եւ ֆիզիքական այն երեւոյթները, որոնք ամեն օր կատարվում են զուրի

աչքի առաջ, քայց միանգամայն անհասկանալի են ժողովրդի համար, ծանօթացնել բուսական եւ կենդանական աշխարհի հետ, վերջապէս հասկացնել թէ ինչ է ինքը մարդը, եւ ինչպէս է ապրում նա,—ահա ժողովրդացրած գիտնական եւ ընագիտական գրքոյկների նպատակը:

Ժողովրդին նախապաշարմունքներից ազատելու ամենագորեղ միջոցը—գիտութիւնն է: Մարդուն ինքնամանաչ դարձնելու ամենակարճ ծանապարհը—սովբեցնել նրան գիտակցօրէն եւ ընդնական աչքով նայել շրջապատող աշխարհի վրա:

Տուէք ժողովրդին գիտութիւն, ծանօթացրէք նրան շրջապատող աշխարհի հետ, եւ դուք հեշտութեամբ կը հասնէք նպատակին: Եւ հէնց այդ նպատակին են ձգտում ժողովրդացրած գիտնական-ընագիտական էժանագին գրքերը:

Ս. ՄԱՐԿՈՒՄՅԱՆ

1890, օգոստոս
Թիֆլիս

Բայց անկասկած շատ բան կարդացած կը լինէք մարդկանց կենցաղավարութեան, նիստ ու կացի մասին, իսկ մրջիւնների մասին դժուար թէ մի բան կարդացած լինէք: Ախր ինչ բան է այդ փոքրիկ, անշէնք, անշնորք միջատը, որ մարդ նրանով հետաքրքրվի: Ամբողջ օրը գժի նման դէս ու դէն է վազվզում, հազար անգամ մտնում է բունը դուրս գալիս՝ ինքն էլ չը գիտէ ինչի համար, կամ թէ մի ցօրենի հատիկ, սատկած մժեղ առած քաշ է տալիս բունը. ապրում է իր համար անբան անասունի նման, մինչև բնութեան թագաւորի՝ մարդու ոտի տակ ընկնելն ու տրորվելը:

—Ախր ինչպէս կարելի է, կասէք դուք մտքներումդ, համեմատել մրջիւնին մարդու հետ, նրա կեանքը մարդու կեանքի հետ ու մինչև անգամ գրքեր գրել այդ կեանքի մասին: Մարդս, ինչ ասել կուզի, բանական արարած է. նա հօ մրջիւնի ընկերը չէ: Տես, նա ինչպէս է կարգի դրել իր կեանքը, ինչպէս է ամեն բան նախատեսել: Յրտի դէմ էլ է հնարք գտել, քաղցի դէմ էլ: Հոյակապ տներ է շինել իր համար, խոպան հողը մշակել է, վայրի կենդանիներից շատերին ընտելացրել, բանաց-

նում է իր համար, գործ է ածում նրանց միսը, կաթը, մորթին և այլն: Ահագին գործարաններ է հիմնել, ինչ որ իրան պէտք է պատրաստում է այնտեղ հազար տեսակ գործիքներով ու զարմանալի մեքենաներով: Գեղեցիկ խճուղիներ, երկաթուղիներ, հեռագրական գծեր է շինել և էլի հազար ու մի այդպիսի բաներ: Հիմի եկել էք ու մրջիւնի նման չնչին արարածին մարդուս ընկեր էք անում:

Այդ և ուրիշ շատ այդպիսի բաներ երևի կանցնեն մտքներովդ, ընթերցողներ. բայց ես պէտք է ձեզ ասեմ, որ դուք շատ սխալվում էք: Մի քանի խելօք ու գիտուն մարդիկ տարիներով օրական մի քանի ժամ մրջիւնի բունի կողքին նստած՝ դիտել են մրջիւնների կեանքը և տեսել են, որ մրջիւնը ընդհակառակը, շատ ուշադրութեան արժանի ու հետաքրքրական կենդանի է: Այդ գիտնականներն իրանց դիտածները մանրամասն գրել են: Ես նրանցից մի քանիսի գրածները կարդացել եմ, ինքս էլ դիտել եմ ու տեսել, որ նրանց ասածը ճիշդ է: Այժմ էլ ուզում եմ ձեզ պատմել ինչ որ յայտնի է մրջիւնների մասին, որ դուք էլ կարդաք ուրիշների դիտողութիւնները, ինքներդ էլ դիտէք, տեսնէք ձեր աչքերով ու ծանօթանաք այդ «պստիկ է բայց չստիկ է» միջատի հետաքրքրական կեանքի հետ:

I.

Նայէք մրջիւնի բունին.—մի փոքրիկ, կոնաձև՝ շաքարի գլխի պէս հողակոյտ է. մէջն ու չորս

կողմը լիքը մրջիւններ են. դրանցից միայն մի քանիսը թևաւոր են, իսկ մեծ մասը թև չունեն: Բռնենք այդ անթև մրջիւններից մէկին,—այդ բանւոր մրջիւններն են,—տեսնենք ինչ բան է: Ըստ երևոյթին, մի առանձին բան չը կայ.—ահա գլուխը, կուրծքը, փորն ու ոտները. էլ ուրիշ ոչինչ: Բայց վերցրէք խոշորացնող ապակին և կը տեսնէք, որ բացի մարմնի այդ գլխաւոր մասերից, ուրիշ բաներ էլ կայ դիտելու:

Հա, դուք գուցէ չը դիտէք թէ ի՞նչ է խոշորացնող ապակին: Խոշորացնող կամ խոշորացոյց կոչվում է այնպիսի ապակի, որ եթէ մօտեցնէք աչքներդ ու նրա միջով նայէք մի որ և է առարկայի, կը տեսնէք, որ առարկան իսկականից մեծ է երևում. օրինակ՝ քորոցի գլուխը սիսեռի չափ է երևում, մազը շաքարի թելի հաստութեամբ և այլն: Ուրեմն մրջիւնն էլ իսկականից մօտ քսան անգամ աւելի մեծ կերևայ, եթէ այդ ապակիով նայենք նրան, և այն ժամանակ մենք պարզ կը տեսնենք նրա մարմնի այնպիսի փոքրիկ մասերը, որ մարդուս աչքը չէ կարող ջոկել առանց խոշորացոյցի: Նայենք խոշորացոյցով մրջիւնին: Ի՞նչ ենք տեսնում: Գլխին երկու հատ մեծ աչք, բերան՝ վերին ու ներքին շրթունքներով, երկու հատ սուր ծնօտ, որով մրջիւնը կրճում ու ծամում է իր կերակուրը—այդ սուր ծնօտները նրա համար նոյնն են, ինչ որ մեր ծնօտ ու ատամները մեզ համար,—վերջապէս էլի գլխի վրա երկու հատ փոքրիկ մազ, որոնք անդադար

շարժվում են և որոնց կարելի է բեխեր կամ շոշափուկ անուանել: Կրճքին կպած են երեք զոյգ ոտներ, որոնցից ամեն մեկը մի քանի խաղ կամ յոդ ունի: Մրջիւնին էլ հէնց նրա համար են յօդաւոտ կենդանի անուանում, որ ոտները ջուկ-ջուկ փոքրիկ յօդերից են կազմված: Թւաւոր մրջիւնների թւերն էլ կրճքին են կպած լինում: Այժմ նայենք փորին. նա էլ մի քանի ջուկ-ջուկ օղակներից է բաղկացած, որոնք փորի վրա կտրվածքների նման բաներ են կազմում. և դրա համար է, որ մրջիւնին միջատ են անուանում:

Դեռ ոչ ոք տեսած չը կայ մենակ, ջուկ-ջուկ ապրող մրջիւններ: Մրջիւնն էլ մարդու և մի քանի ուրիշ կենդանիների նման շատ սիրում է իր նրմանների ընկերութիւնը. դրա համար էլ մրջիւնները խում-խումբ են սպրում, այնպէս որ ինչ մըրջիւնաբուն որ նայէք հազարաւոր մրջիւն կը տեսնէք. այնպիսի մրջիւնանոցներ էլ կան, որ միջի մրջիւնների թիւը կէս միլիօնի է հասնում: Բայց չը կարծէք թէ մրջիւնանոցի բնակիչները բոլորովին պատահական կերպով են ընկերացել իրար կամ թէ ժամանակաւոր նպատակներով, օրինակ՝ նրա համար, որ միասին կերակուր փնտռեն կամ յարձակումն գործեն դրացի մրջիւնանոցի վրա, որ պէտք է սսած, նրանք շատ են սիրում անել, և այլն:

Ո՛չ, ընդհակառակը, մրջիւնանոցը մեծ, բազմամարդ քաղաքի նման մի բան է, որի բնակիչները կապված են իրար հետ մշտական կապերով, ըն-

կերովի աշխատում են, պաշար են հաւաքում, միասին սրաշապանում են իրանց բուռը թշնամու յարձակումից, որ սովորաբար մօտակայ մրջիւնանոցների բնակիչների կողմից է լինում, և այլն:

Բայց ինչ եմ ասում, ինչ քաղաք. մրջիւնանոցը ամբողջ տէրութիւն է իր հարստակներով ու իշխանութեամբ, զինւորականներով ու խաղաղ քաղաքացիներով, ստրուկներով ու ստրկատէրերով: Եթէ ուշադրութեամբ նայէք մրջիւնանոցի բնակիչներին, կը տեսնէք, որ արտաքին տեսքով էլ միմեանցից ջուկվում են: Ամենից առաջ դուք կը նրկատէք թւաւոր որձերի, էգէրի և անթիւ բանւորների տարբերութիւնը: Բանւոր մրջիւններին ճանաչելը դժուար չէ, որովհետեւ մրջիւնների մեծ մասը բանւոր են: Բացի դրանից բանւոր մրջիւնը գիտենալով, որ շատ գործ կայ վզին, իսկ ժամանակը ինչպէս ասում են՝ ոսկի է, ձեռքերը ծալած չէ նրստում. նա շարունակ դէս ու դէն է ընկնում, շտապում է, բան է կրում իրանց հասարակաց բնակարանը, այդ պատճառով էլ ուրիշ մրջիւններից աւելի է աչքի ընկնում: Սխր, ինչպէս կարող են դէս ու դէն չընկնել բանւոր մրջիւնները: Նրանցից մի քանիսը պէտք է շէնք շինեն ու նորոգութիւն անեն՝—այդ որմնադիրներն ու հիւսններն են,—միւսները պէտք է պաշարեղէնի հոգսը քաշեն, գտնեն, կրեն բուռն ու ամբարեն նշանակված տեղում. մի խօսքով հազար ու մի այդպիսի գործ պէտք է անեն բանւոր մրջիւնները: Եթէ նայենք, բանւոր

մըջիւններէից մի քանիսին, կը տեսնենք՝ որ նրանց գլուխն ու ծնօտները մի քիչ աւելի մեծ են, քան միւսներինը: Այդ գլխաւոր զինւորներն են: Այդ զինւորները օտար մըջիւնների հետ պատերազմելիս իրանց ծնօտներովն են կռուում. դրանով է բացատրվում նրանց ծնօտների մեծութիւնը: Այնպիսի մըջիւններ էլ կան, որոնց գլուխը մարմնի ամբողջ մնացած մասի չափ է, որ նոյնպէս մի քիչ աւելի մեծ է, քան բանող մըջիւնի իրանը: Դրանք կոյր մըջիւններն են, մըջիւններից ամենաանբաղձները: Նրանք հէնց միայն նրա համար են, որ իրանց մեծ, կոյր գլխով զանազան թշնամիների ու շաղրութիւնն իրանց վրա գրաւելով՝ չը թողնեն որ նրանք բանւոր մըջիւններին նկատեն: Երբ որ, օրինակ, բանւոր մըջիւնները դուրսը, բաց երկնքի տակ են բանում, մեծագլուխ կոյրերը պտտում են նրանց մէջ, բան է եթէ մի թռչունի սիրտն ուղեց մի մտեղ կամ միջատ անուշ անել, ինչ ասել կուզի, որ մանր մըջիւնների ետեւից չի ընկնի, կոշխատի խոշորներիցը ձեռք գցել. այն ժամանակ վայն եկել է ու տարել մեր գոնչագլխին... Օտար մըջիւնների հետ կռուելու ժամանակ էլ գոնչագլուխներին առաջին շարքերումն են կանգնեցնում. էլ թնչ կանեն հողէ պատ ու պատնէշը: Ահա կոյրերի պաշտօնը. էլ ուրիշ բանի պէտք չեն նրանք:

Բանւոր մըջիւններից շատերը մըջիւնանոցից համարեա իսկի չեն դուրս գալիս. դրանք տան սալասաւորները—դայեակներն են, որոնք մըջիւնաձագե-

րին պահում ու խնամում են: Դայեակները բացի ձագերին խնամք տանելուց, ուրիշ ոչնչով չեն զբաղվում:

Վերև յիշված բոլոր բանւոր մըջիւնները չեն կարող ձագեր ունենալ: Նրանք բացի իրանց գործից և պաշտօնից ոչնչով չեն կարող պարապել: Իսկ նոր մըջիւններ, մըջիւնաձագեր միայն թեւաւոր որձերն ու էգերն են բերում: Էգ մըջիւններին դժուար է տեսնել, որովհետև ամեն մի մըջիւնանոցում երեք հատից աւելի էգ չի լինում. իսկ որձերի թիւը երբեմն տասնեակների է հասնում: Էգը որձից միայն նրանով է գանազանվում, որ փորը որձի փորից մեծ է. մնացած բաներում տեսքով բոլորովին նման է նրան: Այդ թեւաւոր մըջիւնները մըջիւնանոցի աղաներն են. ոչնչի հոգս չեն քաշում, բան չեն անում. և միայն երբեմն երբեմն, հազարից մի անգամ մասնակցում են ընդհանուր աշխատանքներին:

Երբեմն բանւոր մըջիւններին դիտելիս կարելի է տեսնել, որ մի քանիսը իրանց տեսքով բոլորովին զանազանվում են միւսներից. կամ շատ փոքր են լինում միւսներից կամ գոյնն է տարբեր լինում մըջիւնանոցի միւս բոլոր բնակիչների գոյնից: Այդ թնչ մըջիւններ են: Այ, հէնց դրանք են այն ճորտերը, ստրուկները, որոնց մենք վերևը լիշեցինք: Առաջ դրանք էլ մի որ և է ուրիշ մըջիւնանոցի ազատ քաղաքացիներ են մղել, բայց յետոյ օտար մըջիւնների դէմ վարած պատերազմի ժամանակ

գերի են ընկել թշնամու ձեռքը և ահա այժմ նրանք անազատ սարուկներ են: Աղաները աշխատում են մինչև անգամ նրանց դուրս չը թողնել մրջիւնանոցից լոյս աշխարհ, և նրանք դրա համար նեքեւում տանու գործերն են կատարում: Մրջիւնանոցում այնպիսի մրջիւնի էլ կարող էք հանդիպել, որին նայելուց համարեա ոչինչ չի երևում, բացի ահագին գնտաձև փորից. իսկ գլուխն ու կուրծքը նոյնչափ են, որչափ միւսներինը: Այդ մրջիւնները մեզ դրա քաղ են կոչվում. իսկ թէ ինչ պաշտօն ունեն նրանք մրջիւնների թագաւորութեան մէջ, այդ յետոյ կը պատմեմ:

Մրջիւնները իրարից տարբերվում են թէ իրանց մեծութեամբ, թէ գոյնով և թէ առհասարակ արտաքին տեսքով: Օրինակի համար՝ կան սև, կարմրագոյն, շէկ, դարչնագոյն և այլն մրջիւններ, այնպէս ինչպէս մարդկանց մէջ լինում են կարմրամորթներ՝ օրինակ՝ հնդիկներ, սևամորթներ՝ օրինակ՝ նեգրներ, արաբներ, սպիտակամորթներ՝ օրինակ՝ հայեր և այլն: Մի մրջիւնանոցի մէջ սովորաբար մի գոյնի և մօտաւորապէս մի մեծութեան մրջիւններ են լինում:

Երևի այժմ մտքներումդ ասելիս կը լինէք, — եթէ ինչ որ մինչև հիմա կարգացինք ճշմարիտ է, մրջիւնը՝ ճիշդ որ հետաքրքրական կենդանի է եղել: Տեսէք ինչ ճարպիկ կերպով կարգի է գցել ամեն բան. կարծես զգացել է, որ եթէ մրջիւնանոցում զանազան աշխատանքները բոլոր մրջիւն-

ները միտտեղ չանեն, այլ բաժանեն իրանց մէջ, այն ժամանակ գործը աւելի լաւ, յաջող կերթայ, և ահա նրանք էլ մարդկանց պէս իրանց զինւորներն, որմնադիրներն, հիւանդներն, գայեակներն, ճորտերն և այլն ունեն: Իսկ թէ որքան օգտակար է նրանց համար այդ, — էլ ասել չի լինի. ամեն մի մրջիւն հիանալի գիտէ իր գործը, որովհետև մի, շատ շատ երկու տեսակ գործ պէտք է անի, և այդպիսով աւելի լաւ ու արագ էլ է կատարում իր գործը, քան եթէ մրջիւնանոցի ամեն գործերին մասնակցէր: — Նրանք էլ մարդկանց պէս աշխատանքները բաժանել են. ամեն մէկին մի տեսակ գործի են դրել և նրանց ընդհանուր, հասարակաց գործը յաջող է գնում. բայց թէ արդեօք լաւ է այդ ամեն մի մրջիւնի համար, եթէ նրա վրա նայէք իբրև մի առանձին անհատի վրա, — այդ էլ ինքներդ վճռեցէք:

II

Ափսոս, ընթերցող, որ չենք կարող մտնել մըրջնաբունի ներսը ու տեսնել նրա շէնքը: Ասենք շատ էլ ցաւելու բան չը կայ. մենք կարող ենք քանդել մրջիւնաբունը և նայել, թէ ներքսւից ինչպէս է շինված: Դրսւից մրջիւնների բունը շատ անշէնք, անշնորք բան է. — սրածայր մի հողակոյտ, վրան լիքը փոքրիկ ճիւղերի, ծղնոտների, տերեւների կտորտանք ու աւազ, — էլ աւելի ոչինչ: Այդ հողակոյտները զանազան մեծութեամբ են լինում. եր-

բեմն շատ մեծերն են պատահում՝ մի քանի ոտնա-
չափ բարձրութեամբ, կարծես խոտադէզեր լինեն:
Բայց նայեցէք այդ արտաքուստ անշնորք շինու-
թեան ներք: Տէր Աստուած, ինչքան պուճուրիկ
սենեակներ կան: Սկզբում այնպէս կը թուի, որ,
ինչպէս առաջ էլ կարծում էիք՝ այդ տեղ իսկի կարգ
չը կայ: Բայց տեսէք, որ այդ սենեակները կանոնա-
ւոր յարկերով են դասաւորված: Եթէ յարկերը հաշ-
ւելու լինէք, կը զարմանաք,—երբեմն յարկերի
թիւը քառասունի է հասնում: Քառասուն յարկ,
քսանը՝ գետնի երեսին, քսանը՝ գետնի տակին,—
այդպիսի շինութիւն շինել դեռ մարդկանցից ոչ
մէկի ձեռքովը չի եկել: Ամեն յարկում լիքը մեծ
ու փոքր սենեակներ են, միացած իրար հետ նեղ
անցքերով, որոնք միջանցքների ձև ունեն: Բոլոր
յարկերն էլ իրար հետ միջանցքներով են միանում:
Բացի այդ փոքրիկ սենեակներից, որոնք լիքն են
մըջիւնա ձագերով, կան ուրիշ մեծերն էլ,—նրանք
հիւրասենեակների ու դահլիճների նման մի բան
են: Մեծ սենեակները շատ անգամ շատ գեղեցիկ
են շինված լինում՝ կամարակապ առաստաղ, կա-
նոնաւոր պատեր, հարթ հաւասար յատակ. երբեմն
մեծ սենեակների կամարաձև առաստաղների տակ
աւելի այնդութեան ու հաստատութեան համար
սիրուն ու նուրբ սիւներ են նեցուկ դնում: Ինչպէս
տեսնում էք, մըջիւնը միայն օգտակարութեանը չէ
նայում. նրա համար պակաս նշանակութիւն չունի
և շնորքն ու գեղեցիկութիւնը, նա շատ մարդկան-

ցից աւելի լաւ է հասկանում, որ ամենից խե-
ւօքը՝ օգտակարը դուրեկանի հետ միացնելն է: Մի ծի-
ծաղէք, սիրելի ընթերցողներ: Մըջիւնները ձեր կար-
ծածի նման լիմար չեն: Ի՞նչ էք կարծում, ինչք
համար են նրանց բնակարանի վերի և ներքի յար-
կերը: Տեսա՞ք, որ չէք իմանում: Ներքի յարկերում
ձագուկներին գիշերներն ու վատ եղանակներին են
պահում, իսկ ցերեկն ու լաւ եղանակներին կրում
են վերի յարկերի սենեակները: Բոլոր փոքրիկ սե-
նեակները կապված են միջանցքներով դիւսաւոր, մեծ
սենեակների հետ. սրանցից ելքեր կան դէպի դուրս:
Մըջիւնաբունի դրսի անցքը մտնելու ու ելնելու դու-
ռն է. հեռատես մըջիւնը գիշերներն ու վատ ե-
ղանակներին այդ դուռը փակում է, որ խոնաւու-
թիւն ու ցուրտ չը թափանցի սենեակների ներսը,
և բացի դրանից արգելք լինի աւազակ—թշնամի-
ների դէմ, որոնք գիշերը հեշտութեամբ կարող են
մտնել մըջիւնանոցը ու շատ վնաս հասցնել նրա
բնակիչներին: Ստենք, մըջիւնները հարկաւոր դէպ-
քում միայն դուռը փակելով չեն բաւականանում.
նրանց հեռատեսութիւնը այնքան տեղն է հաս-
նում, որ գիշերները դռանը պահապաններ են դը-
նում, որոնք ամբողջ գիշերը հսկում են, չեն քնում
և վտանգի ժամանակ իսկոյն իջնում են ներքև ու
իմաց տալիս ընկերներին:

Արժէ տեսնել, թէ ինչպէս են մըջիւնները կա-
ռուցանում իրանց բազմալարկ հասարակական պա-
լատները: Մէկ էլ տեսար բանւոր մըջիւնները իրար

անցան. որմնադիրները, հիւսններն ու ճարտարապետները դէս-դէն վազ տուին ու սկսեցին բանել իրանց բեխերով, ոտներով ու ամենից աւելի՝ ծնօտներով: Կաւի, հողի մանր կոշտեր ու աւազ է՝ որ զարմանալի արագութեամբ կրում են շինութեան համար նշանակված տեղը: Մի տեղ որմնադիր մըրջիւնները պատ են դնում ու թաղ տալիս, կամար կապում. ուրիշ տեղ հասարակ բանւորները շինութեան նիւթեր են կրում ու դարսում. մի քանիսը առաստաղն են շինում, միւսները կոյոր սիւները. ուրիշները սենեակից սենեակ ու մրջիւնանոցից դուրս ծածկված անցքեր ու միջանցքներ են անցկացնում. ամենքն էլ տաքացել են, ամենքն էլ սովորականից աւելի սիրով են իրար հետ ու ժրաջան, ամենքն էլ ուրախ սրտով բանում են և ուրախութեամբ նայում արագ շինվող մրջիւնաքաղաքին: Մէջները դէս ու գէն են վազվզում բազմաթիւ մատակարար-մրջիւններ, որոնք մեծ խնամքով կերակրում են սոված բանւորներին և սիրտ են տալիս նրանց ու նորից գնում ուտելիք ճարելու: Վերջապէս բունը պատքաստ է. փոքրիկ ճիւղերի, յարդի, տերւենների կրտորտանք ու աւազ են ածում վրան, շինում են դուրս տանող անցքերը և յողնած մշակները բնակութիւն են հաստատում իրանց նոր քաղաքում ու սկսում իրանց ամենօրեայ, խաղաղ պարապմունքները: Բայց չը կարծէք թէ բոլոր մրջիւններն էլ բունները հողից են շինում.—կան այնպիսիներն էլ, որոնք իրանց շէնքերի համար գլխաւորապէս տախ-

6204-57

տակի սրոցվածք, թեփ են գործ ածում,—ահա, այդ մրջիւններին են հիւսն անուանում: Ասենք այնպիսի մրջիւններ էլ կան, որոնց կարելի է հիւսն անուանել այդ խօսքի բառացի մաքով, որովհետև նրանք իրանց բազմաթիւ շէնքերը կրծելով են փորում հին կաղնի կամ ուռի ծառերի բներում:

III

Անթև կամ բանւոր մրջիւնները ոչ միայն բնակարան շինելով են զբաղված, այլ և ամբողջ մրջիւնանոցի ուտելիքի հոգսն են քաշում: Որձերը, էգերը ու ձագերն ոչ միայն առ հասարակ ոչինչ չեն անում, այլ մինչև անգամ իրանց համար կերակուր էլ չեն փնտռում: Որձերն ու էգերը մրջիւնային պետութեան աղաներն են. նրանց գործը ձագեր բերելն է, այսինքն մրջիւնանոցի ազգաբնակութեան բազմացնելը. այդ է նրանց բան ու գործը. ուրիշ բաներում նրանք սարսափելի ծոյլ ու հեշտասէր են. նրանք միայն ուտել, խմել, քնել, քէֆ անել ու անխոնջ բանւոր մրջիւնների աշխատանքն անխիղճ կերպով վայելել զիտեն, և այդ անպատիժ է մնում. այդ նրանց իրաւունքն է: Պէտք է ենթադրել մինչև անգամ, որ բանւոր մըրջիւններն երևի իրանց սաստիկ վիրաւորված կը զգային, եթէ որձերն ու էգերը հրաժարվէին նրանց մատուցած ծառայութիւններից, և իրանց համար չափազանց մեծ բախտաւորութիւն են հա-



մարում այդ ճրիակերներին ամեն տեսակ ծառայութիւններ մատուցանելը, նրանց ծուլութիւնն ու աղայութիւնը խրախուսելը: Չարմանալի՛ արարած է բանւոր մըջիւնը: Ի՞նչն է նրան այդքան սերտ կերպով կապում իր աղաների հետ, ի՞նչն է դրդում նրան հլու հնազանդութեամբ կատարել նրանց բոլոր քմահաճութիւնները և այդքան անձնուիրութեամբ աշխատել նրանց համար: Խնչը, չը գիտեմ: Ոչ թէ ես, ինքը մըջիւնն էլ դժուար թէ իմանայ այդ. խեղճը աչքը բաց է արել այդ կարգերն է տեսել. նրա հայրերի, պապերի, պապի պապերի ժամանակ այդպէս է եղել, այդպէս էլ կերթայ. նրա կարծիքով ուրիշ տեսակ չի էլ կարող լինել:

Այսպէս ուրեմն բանւոր մըջիւնը բացի իրանից կերակրում է որձերին, էգերին ու ձագուկներին: Ասենք ձագուկները մեղք չունեն. այդ պուճուր ու թոյլ արարածները առանց ուրիշի օգնութեան կերակրվել չեն կարող: Բայց ի՞նչ է ուտում մըջիւնը: Ի՞նչ ուտելիք պէտք է ճարի բանւոր մըջիւնը: Ամեն բան.— ինչ ասես ուտում է. նրա գլխաւոր ուտելիքը հացահատիկները, պտուղները, միջատներն են. մի քանի՛ մինչև անգամ աւելի խոշոր, թէ ողջ թէ սատկած կենդանիներ էլ է ուտում. բայց մըջիւնը աւելի սիրում է զանազան տեսակ քաղցր բաներ՝ մեղր, բոյսերի քաղցր հիւթ, շաքբաթ, քաղցրաւենիք, քաղցր խմորեղէններ և այլն: Եւ որքան դժուարութիւնների ու վտանգների են ենթարկվում նրանք երբեմն՝ իրանց այդ քաղցրամուլութեան

պատճառով. մըջիւնն ինքն էլ լաւ գիտէ, որ քաղցրամուլութիւնը եթէ շատ էլ մի մեծ ախտ չէ, բայց շատ վտանգաւոր բան է: Ասենք մըջիւնը պատահամբ մտաւ մեղրի բղուղը կամ քաղցրաւենիքի ամանը, կուշտ կերաւ, բերանը քաղցրացրեց ու ուզում է դուրս գալ. բայց տես որ ոտով գլխով այնպէս է խրուել քաղցր հիւթի մէջ, որ դուրս գալու ճար չը կայ...

Այժմ տեսնենք թէ ինչպէս են բանւոր մըջիւնները ճարում կերակուրը: Նիշդ է, կան այնպիսի մըջիւնանոցներ, որոնց մըջիւնները առանձին-առանձին են ուտելիք փնտռում, բայց առհասարակ մըջիւնները խումբ—խումբ են գնում կերակուր փնտռելու և նրանց այդ զբաղմունքը նոյնքան հետաքրքրական է, որքան և նրանց բան շինելը: Նայեցէք, այ այս բանւոր մըջիւնին, որ սովորականից դուրս շտապելով ու զբաղված մարդու քալուածքով մտնում է բունը ու մի ըուպէից յետոյ դուրս է գալիս այնտեղից՝ մի քանի ուրիշ, իրան նման բանւոր մըջիւնների հետ:

Նա գնաց յայտնեց իր ընկերներին, թէ մօտերքում մի տեղ որս կայ, թէ իր ոյժը չի պատում, որ այդ որսը քաշ տայ բունը, այնպէս որ օգնականներ են հարկաւոր իրան:

— Ինչպէս թէ յայտնեց, — կը հարցնէք դուք երևի զարմացած: — Հասկա ինչ էիք կարծում. մըջիւնները իրար հետ խօսում են այնպէս, ինչպէս ես ու դուք ենք խօսում միմեանց հետ: Բայց նրանց

խօսակցութիւնը մեր խօսակցութեան իսկի նմանութիւն չունի: Նրանք խօսելիս ձայն չեն հանում, մեզ պէս ձայների միջոցով չեն հաղորդում միմեանց իրանց մտքերն ու մտադրութիւնները, այլ շօշափուկների, բեխերի միջոցով: Նթէ ասածիս չէք հաւատում, ես ձեզ կը պատմեմ մրջիւնների կեանքից մի քանի հետաքրքրական դէպքեր. որոնցով մարդիկ իմացան, թէ մրջիւններն իսկապէս խօսակցում են և երբեմն շատ լաւ հասկանում իրար ասածը: Մի գիտնական մրջիւնների կեանքը ուսումնասիրելու ժամանակ մի անգամ մի բոլոր մեղր է կախ տալիս թռկով առաստաղից. բռնում է մի մրջիւն ու դնում բոլորի մէջ: Քաղցրամով մրջիւնը կուշտ ուտում է, թռկովը բարձրանում առաստաղ, պատովը իջնում ու վազում իր բունը: Մի քանի րօպէից լետոյ նա վերադառնում է մի քանի ուրիշ մրջիւնների հետ, որոնք սկսում են մաքրագործել մեղրը:

Մի ուրիշ գիտնական բռնում է մի քանի հատ մրջիւնաձագ և մի մրջիւնի հետ դնում մի ամանի մէջ: Մի քիչ ժամանակ մեր մրջիւնը շուարած պտոյտպտոյտ է գալիս, լետոյ թողնում վազ է տալիս մրջիւնանոցը: Մէկ էլ տեսնում է գիտնականը, որ մրջիւնը լետ է գալիս վազելով, լետելիցն էլ վազ են տալիս տասն-քսան ուրիշ մրջիւններ: Բոլորը բարձրանում մտնում են ամանի մէջ, բերաններն են առնում մի մի հատ մրջիւնաձագ ու շտապով դիմում դէպի իրանց բունը:

—Այ, մի դէպք էլ պատմեմ, որ ձեզ կարելի է ծիծաղեցնի էլ: Մի գիտնական քորոցով մի մեծ ճանճ է մեխում սեղանին ու մի մրջիւն բռնում է դնում ճանճի կողքին: Մի քանի րօպէ մեր մրջիւնը չարչարվում է ճանճի վրա, տեսնում է որ ոյժը չէ պատում, մենակ ոչինչ չէ կարող անել, վազում է բունը, իմաց տալիս ընկերներին իր գիւտի մասին: Բայց նրան չեն հաւատում և վերջի վերջոյ մի քանիսը կիսասիրտ հետևում են նրան. վազելով լետ է է գալիս մրջիւնը ճանճի մօտ, իսկ նրա լետելից բաւական լետ ընկած՝ դանդաղ քաշ են գալիս մի քանի ուրիշ մրջիւններ: Հասնում է որսին, լետ է նայում տեսնում, որ ընկերները գլուխները դարձրել են ու լետ են գնում բունը. նորից վազում է մեր մրջիւնը, ընկերներին հասնում, չարչարվում է, համոզում է նրանց. նորից սկսում է առաջուայ պատմութիւնը—մի քանիսը նրա լետելից գալիս են դէպի ճանճը՝ բայց տեղ չը հասած լետ են դառնում: Չոր չը կայ, չեն հաւատում մարդիկը. ինչ արած: Բարկանում է մեր մրջիւնը ու սկսում կատաղածի նման ձղձղել ճանճին: Յաղթութիւն, — նրա ծնօտների արանքին մնում է ճանճի թաթը: Վազում է մրջիւնը ընկերների մօտ ճանճի թաթը բերանին. շունչը կտրվում է, քիչ է մնում վայր ընկնի, բայց էլի գոհ է, ուրախ է:— „Առէք, այ, աչքներդ կոխէք, չէիք հաւատում, թէ որս կայ, տեսէք ու հաւատացէք. դէ, գնանք.“ — ու քաշ է տալիս հետը հաւատի բերած ընկերներին: Բոլորը

միասին թափվում են խեղճ ճանճի գլխին, պոկում քորոցից ու ուրախ ուրախ քաշ տալիս բռնը: Դէ, հիմա ինչ կասէք, հաւատո՞ւմ էք այժմ, որ մրջիւնները խօսում են իրար հետ ու շօշափուկների միջոցով հաղորդում միմեանց իրանց մտքերը:

Կան մրջիւններ, որոնք օրէօր ապրում, օր աշխատում, օր ուտում են, առանց հոգալու պաշար պատրաստել երկար ժամանակվայ, գոնէ ձմեռվայ համար, — նրանց համար վաղվայ օրը չը կայ, նրանք միայն այսօրվայ վրա են մտածում: Բայց բոլոր մրջիւններն էլ այդպէս անհոգ չեն: Նրանցից շատերը ձմեռվայ պաշար են պատրաստում: Նրանց պաշարը գլխաւորապէս զանազան տեսակ հատիկներից է բաղկացած: Այդ հատիկները մրջիւնները շատ անգամ ուղղակի հանդիցն են կրում բռնը ու դարսում առանձին խուցերում, որ մեր շտեմարաններին կարելի է նմանեցնել: Եթէ մրջիւնի բռնը ընդարձակ է ու ինքն էլ լաւ տնտես է, հատիկների պաշարը ահագին կոյտ է լինում, այնպէս որ ցորենի, բրնձի կամ մի ուրիշ այդպիսի գին ունեցող հատիկի ամբար գտները մի և նոյն է թէ մի գանձ գտնել: Բայց, այ, աւելի նշանաւոր մի բան. — զիտնականները մինչև անգամ ենթադրում են, որ շատ մրջիւններ խտակում են իրանց բռնների մօտի հողը, հատիկներ են կրում ու հերկում, ցանքս են անում: Այդ երկրագործ մրջիւններն են, որոնք, ինչպէս տեսնում էք, իրանց սեփական հանդերն ունեն: Յանաճները ծլում են, հասկ են կա-

պում, հասկերը հասնում են, հատիկները վայր են թափում և հողագործ մրջիւնը՝ չափազանց գոհ սրտով իր՝ մէկին չորս, մէկին հինգ բերքից զգուշութեամբ հաւաքում է հատիկները ու կրում շտեմարանները:

IV

— Ա՛յլ. եթէ երկրագործ մրջիւններ կան, ինչի՞ չը պէտք է անասնապահ մրջիւններ էլ լինեն, կը հարցնի երևի ծիծաղելով ընթերցողը: — Այդպիսի մրջիւններ էլ կան, կը պատասխանեմ ես ընթերցողին բոլորովին լուրջ կերպով: Դէ, բարեհաճեցէք լսել թէ ինչ եղջիւրաւոր անասուններ են պահում մրջիւնները: Մի տեսակ պտտիկ, անշէնք անշնորք, կանանչագոյն միջատ կայ, որ «ափիս» կամ խոտի ոջիլ է անուանվում: Խոտի ոջիլ նրա համար են անուանում ափիսին, որ ինչ բոյսի վրա ասես կայ այդ միջատից: Հէնց այդ խոտի ոջիլն է մրջիւնների կլթան անասունը, որին այդ պատճառով շատ անգամ մրջիւնի կով են անուանում: Այդ միջատի յետևի մասի վրա խոշորացոյցով նայելիս դուք կը տեսնէք երկու խողովակ, որոնցից ժամանակ առ ժամանակ դուրս է թորում մի տեսակ կայուն ու քաղցր հեղուկ, որ մրջիւնները շատ սիրում են: Բաւական է մարդ իր աչքովը տեսնի, թէ ինչ աստիճան հոգացողութեամբ է մրջիւնը խնամք տանում իր կովերին, որ էլ ամենևին չը կասկածի, թէ մըրջիւնը իսկապէս չափից դուրս աչքաբաց ու մինչև

անգամ խելօք արարած է: Ամեն տեսակ մտեղ տեսնելիս հօ մըջիւնի բերանի թուքը գնում է, բայց նա ոչ միայն ինքը չէ ուտում ափիս, այլ և մեծ եռանդով պաշտպանում է նրան ուրիշ՝ ափիս ուտող միջատներից: Տեսէք, մըջիւնների ինչ մեծ բազմութիւն է հաւաքվել այդ փոքրիկ բոյսի վրա: Ինչն է նրանց գրաւում բերում այդտեղ. ինչու են նրանք առհասարակ սիրում բարձրանալ շատ բոյսերի վրա:

Ահա ինչու.—այդ բոյսերի վրա շատ ափիս կայ, վրա են թափվում մըջիւնները, սկսում են լիզել նրանց, շոյել ու խտուտ ածել. վերջապէս ափիսը թուլանում, մեղկանում է ու դուրս է թողնում իր խողովակից մի կաթիլ պարզ ու քաղցր հեղուկ. մըջիւնը լստտում է այդ կաթիլը ու անուշ կուլ տալիս, կրկնելով նոյնը մի քանի անգամ մինչև լաւ կշտանալը: Մըջիւնն էլի է բերանն առնում այդ հիւթից ու վազում բունը, ուր նրան անհամբեր սպասում են որձերն, էգերն ու ձագուկները, որոնք նոյնպէս չափագանց սիրում են ափիսի կաթը: Բայց դրանում դեռ մի առանձին բան չը կայ: Աւելի զարմանալին այն է, որ մըջիւնը արածացնում է իր կովերին: Նա մեծ խնամքով տեղափոխում է նրանց այն ցօղուններից, որոնց հիւթը արածելուց հատել է, նոր ցօղունների վրա, որտեղ նրանք կարող են թարմ ու համեղ կերակուր գտնել: Նա տանում է նրանց իր բունը լաւ հասկանալով, որ աւելի օգուտ է այդպիսի ընտանի կենդանին տանը՝ ձեռքի տակ ունենալ, քան ստիպված

լինել միշտ նրանց կթելու համար քաշ գալ հեռու տեղեր: Իր տանը մըջիւնը ափիսին նոյնպիսի հոգացողութեամբ է խնամք տանում, ինչպէս բաց օդում, միշտ նրան թարմ ու համեղ կերակուր մատակարարելով: Բայց դեռ էլի ասելու բան կայ: Մըջիւնը տանում է իր բունը ափիսների ձուերը և յետոյ, երբ որ ձուերից ափիսաձագեր են դուրս գալիս, նա նրանց դուրս է բերում մըջիւնանոցից լոյս աշխարհ. այնտեղ մըջիւնանոցի կողքին՝ այն խոտերի մօտ, որոնց վրա ափիսներին էր տեղափոխել, նա հողից փոքրիկ շրջապատ է շինում՝ մսուրքի կամ փարախի նման, ուր ափիսաձագերին անպակաս է հոգատար խնամք, համեղ կերակուր և պաշտպանութիւն թշնամիների գէմ: Բայց այն էլ պէտք է ասել, որ ափիսներն էլ երախտագէտ են, շատ սիրում են մըջիւններին և ճանաչում են նրանց այնպէս, ինչպէս մեր կովերը ճանաչում և սիրում են իրանց տէրերին: Որպէս զի դուք այն, ինչ որ ես նոր պատմեցի ափիսների ու մըջիւնների լարաբերութիւնների մասին, հէքիաթ չը համարէք, կը պատմեմ ձեզ մի շատ նշանաւոր գիտնականի՝ Վարվինի գիտածը: Ես հէնց նրա խօսքերով կը պատմեմ, որովհետեւ այդ գիտնականը այնպիսի հասարակ լեզուով է գրում, որ դուք շատ հեշտ կը հասկանաք: Ահա թէ ինչ է ասում նա. «Ես հեռացրեցի աւելուկի վրա նստած ափիսների խմբից բոլոր մըջիւններին և մի քանի ժամ շարունակ չէի թողնում, որ մըջիւնները մօտենան ափիսներին: Ես հա-

մոզված էի, որ այդքան ժամանակ անցնելուց լետոյ, ափիսները կուզենան իրանց հիւթը արտաթորել: Ես երկար նայում էի նրանց խոշորացոյց ապակիով, բայց ոչ մէկը հիւթ չէր արտաթորում: Յետոյ ես սկսեցի մազի ծալքով շօշափել ու խուտուտ ածել նրանց, որքան կարող էի, նոյն ձևով, ինչ ձևով որ մրջիւններն են նրանց խուտուտ ածում իրանց շօշափուկներով և բեխերով. բայց նրանցից ոչ մէկն էլ հիւթ չը թողեց: Դրանից լետոյ ես մի մրջիւն թողեցի նրանց մօտ. պէտք էր տեսնել թէ ինչպէս կրակ կտրած վազվզում էր նա նրանց շուրջը. ակնյայտնի էր, որ նա իսկոյն նկատեց, թէ ինչ թանգազին նախիր է գտել: Նա իսկոյն սկսեց բեխերով մէկ-մէկ խուտուտ ածել ափիսների փորը և ամեն մի ափիս, հէնց որ զգում էր նրա բեխերի շօշափումը, իսկոյն բարձրացնում էր փոքր և արտաթորում քաղցր հիւթի պարզ կաթիլը, որ մրջիւնը ագահութեամբ կուլ էր տալիս: Մինչև անգամ ամենամատղաշ ափիսներն էլ այդպէս էին անում...» Այսպէս է պատմում Գարվինը. իսկ Գարվինի խօսքին չը հաւատալ չի կարելի:

Յիշում էք, ընթերցող, ես մի տեղ ձեզ ասացի, թէ մի քանի մրջիւնանոցներում առանձին տեսակ մրջիւններ կան, որոնց ես մեզ աքաղ անուանեցի և որոնք ուրիշ մրջիւններից զանազանվում են իրանց ահագին գնտաձև փորով: Նրանք էլ մի տեսակ կլթան կովեր են: Այդ մրջիւններն ուտելիք փնտռելիս փորները լցնում են քաղցր հիւ-

թով, որով նրանք բունը վերադառնալուց լետոյ կերակրում են իրանց ընկերներին:

Մրջիւնների բուներում բացի ափիսներից, շատ տեղ ուրիշ մի քանի միջատներ էլ են լինում, օրինակ, բոլոջներ, որոնց նոյնպէս ընտանի անասուն կարելի է համարել. այդ միջատներից մի քանիսը մինչև անգամ զրկվել են տեսնելու ընդունակութիւնից, որովհետև իրանց ամբողջ կեանքը անց են կացնում մութ մրջիւնանոցում՝ առանց օտը դուրս դնելու նրա շէմքից. իսկ խաւարում ապրողի համար, ինչ խօսք, որ աչքը աւելորդ բան է. դրա համար էլ այդ մրջիւնները աչքից զրկվել են:

Դուք ինքներդ, ընթերցողներ, գուցէ տեսած լինէք մրջիւնանոցների մօտ նեղ, բաւական մաքուր շաւիղներ. բանւոր մրջիւններն են շինել այդ շաւիղները, որ իրանք աւելի հեշտութեամբ ու յարմարութեամբ կարողանան մրջիւնանոցից կերակուր ու պաշար փնտռելու գնալ: Ասում են մինչև անգամ, որ մրջիւնները իրանց հաղորդակցութեան ճանապարհները շինելիս ոչ միայն կրծոտում են շաւիղների վրա դռնված բոյսերը, քաղհանք անում, մաքրում, այլ և մանր աւազ են ածում նրանց վրա: Դուք ի հարկէ հասկանում էք բանի էութիւնը: Աչքաբաց մրջիւնը այնտեղ է հասել, որ սկսել է իր համար խճուղիներ ու խճած փողոցներ շինել: Բայց այդ էլ մրջիւնին բաւական չէ. նա շատ անգամ մրջիւնանոցից դէպի զանազան կողմեր և երբեմն շատ հեռու տարածութեամբ ծածկած

անցքեր, միջանցքներ է անցկացնում: Մեծ մասամբ այդ ստորերկրեայ անցքերը անց են կացրած լինում գէպի մրջիւնանոցի մօտակայ բոյսերը, որոնց վրա նստած են լինում մրջիւնի կովերի—ափիսների ամբողջ գաղթականութիւններ: Ծածկած անցքերը մրջիւններին երկու տեսակ օգուտ են տալիս՝ մէկ որ այդ անցքերը շատ յարմար ու մինչև անգամ գեղեցիկ հալորդակցութեան միջոցներ են կերակուր ու պաշար փնտուելու և ափիսներ կթելու գնացող մրջիւնների համար, երկրորդ՝ որ այդ ստորերկրեայ անցքերը հիանալի պատասպարան են թշնամիների արշաւանքների ժամանակ:

Բայց ինչ եմ ես ձեզ հէնց միայն այն պատմում, թէ ինչպէս է մրջիւնը բանում, աշխատում, չարչարվում, ճանապարհ ու բնակարան շինում, կերակուր ճարում և այլն: Տեսաչէնը հօ մէկ մէկ էլ հանգստանում է. չէ որ նրա սիրտն էլ կուզի մի քիչ քէֆ քաշել, ուրախանալ, ով գիտէ և գրծութիւններ անել: Սիբիրական հօ չի, որ Աստծու օրը աշխատի, աշխատի ու աշխատի: Ի հարկէ ոչ. և գուցէ սխալված չեմ լինի, եթէ ասեմ որ մրջիւնները հանգստանալու ժամանակ աւելի են մարդու ծիծաղ շարժում, քան աշխատելու ժամանակ:

Մրջիւնն էլ իր խաղերը, գուարճութիւնները և մինչև անգամ, ինչպէս մի քանի գիտնականներ պնդում են, իր մարմնամարզական վարժութիւններն ունի: Մրջիւնների կեանքը ուսումնասիրողներից մէկը, օրինակ, պատմում է որ ինքը տեսել է,

թէ ինչպէս «մրջիւնները կանգնում էին յետևի ոտիկների վրա, շօշափուկներովը միմեանց փաղաքշում էին, սուտ կռիւ էին պրծնում իրար հետ ու թագ կենալու նման մի բան էին խաղում»: Ուրիշները շատ անգամ տեսել են, որ մրջիւնները առանց, ըստ երևոյթին, զայրացած լինելու՝ բռնում են միմեանց ոտիկներով ու ծնօտներով, գլորվում թաւալվում են գետնին, բռնում են իրանց ընկերներին ու քաշ ապլիս նրանց այնպէս, ինչպէս երեսաները միմեանց շալակ են նստում և այլն: Բանը նրանումն է, որ այդ բոլորը նրանք անում են առանց մի որ և է չար գիտաւորութեան, բոլորովին մտերմաբար, սիրով, և չը նայելով որ շատերը շատ են տաքանում այդ ժամանակ, բայց ոչ մէկը չի վնասվում, այնպէս որ սկամայ մարդ համաձայնում է, թէ այդ բոլորը իսկապէս միայն խաղ ու գուարճութիւն, թէկուզ հէնց մարմնամարզութիւն է:

Եթէ դուք երբ և իցէ լսել էք, թէ ինչպէս է մարդկութիւնը հետզհետէ զարգացել տնտեսական կողմից, դուք անշուշտ կիմանաք, որ մարդիկ ամենից սուաջ բացառապէս որսորդութեամբ են պարապելիս եղել ու որսորդութեամբ են իրանց սնունդը ճարելիս եղել. յետոյ մարդս ընտելացրել է մի քանի կենդանիներ ու սկսել է պարապել անասնապահութեամբ: Քանի որ մարդս որսորդութեամբ ու անասնապահութեամբ է պարապելիս եղել, նա թափառական կեանք է վարելիս եղել, այսինքն նա միշտ՝ իր բոլոր տուն ու տեղով, ունեցած չունեցա-

Տով տեղափոխվելիս է եղել մի տեղից միւս տեղ, ապրելով մի որոշ ժամանակ այնտեղ, որտեղ գազանների ու թռչունների որսը յաջող էր գնում և լաւ արօտ կար ընտանի անասունների համար: Բայց այդպիսով մարդու դուրսիւնը շատ անապահով էր. նրա կեանքը կախված էր որսի առատութիւնից. ձմեռվայ պաշար պահելը դժուար էր. բացի դրանից մարդիկ բազմանալով սկսեցին արօտատեղիների պակասութիւն զգալ: Վերջապէս մարդիկ սովորեցին մի քանի բոյսեր ցանել ու հունձ ստանալ, ըսկսեցին հողը հերկել, երկրագործութեամբ պարապել, շարժական վրանների փոխարէն հաստատուն բնակարաններ շինեցին ու սկսեցին նստական կեանք վարել:

Նոյն բանը չը տեսնաք արդեօք մրջիւնների կեանքում: Ի հարկէ, լիշում էք, որ կան բացառապէս որս ճարելով, որսորդութեամբ ապրող մրջիւններ, կան անասնապահ-մրջիւններ, կան վերջապէս երկրագործ մրջիւններ: Ծիծաղելի է, ճիշդ է. բայց մըրջիւնները շատ բանում՝ զարմանալի նման են մարդկանց:

Խելօք կենդանի է մրջիւնը, խելօք:

V

Ս.մ.առ է. յուլիսի կամ օգոստոսի հրաշալի օրերից մէկն է: Էգ մրջիւնները, կամ ինչպէս նըրանց ուրիշ տեսակ անուանում են, մրջիւնանոցի թագուհիները մրջիւնանոցներից թռչում են գուրս

բաց օդը. նրանց յեակից սլանում են ահագին խմբով թեւաւոր որձերը: Այստեղ, բաց օդում նըրանք անձնատուր են լինում սիրոյ հաճոյքներին: Եթէ մի քիչ լետոյ նայէք նրանց, աչքներիդ չէք հաւատայ,—թէ էգերը և թէ որձերը ուժաթափ ընկնում են գետին.—հերիք ինչքան զուարճացան, նրանց համար էլ վերջապէս եկաւ պարտականութիւն կատարելու ժամանակը: Որձերը շատ չանցած սատկում են, իսկ էգերին բանւոր մրջիւնները չափազանց հոգատարութեամբ շրջապատում են ու զգուշութեամբ տանում բունը: Այդ ժամանակ նըրանց թեւերը թափվում են, կամ եթէ չեն թափվում, իրանք են պոկում,—այդ աշխարհային հաճոյքներից հրաժարվելու ու իրանց սրբազան պարտականութիւնը կատարելուն նուիրվելու նշան է: Ստենք երբեմն էլ բանւոր մրջիւններն են կրծելով պոկում որձերի ու էգերի թեւերը, որ նրանք չը կարողանան մրջիւնանոցից դուրս թռչել, և որ այդպիսով իրանց բանը թեթեւանայ: Մրջիւնանոցը տարվելուց յետոյ էգը ակամայ սկսում է ձու դնել: Շրջապատված հաւատարիմ աղախինների, բանւոր մրջիւնների խմբով, նա սողում է մրջիւնանոցում ու ձու դընում: Երեւի կը զարմանաք, եթէ ասեմ, որ մի էգ մի քանի հազար ձու է դնում, իսկ բանւոր մրջիւնները, չնայելով ձուերի այդ մեծ քանակութեան, չեն թողնում որ նրանք մի ըսպէ էլ զետնին մնան, իսկոյն վերցնում են ու տանում խուցերը, ուր դարտում են կանոնաւոր կոյտերով: Ձու դնելուց պըր-

ծնելուց յետոյ էգն էլ որձերի պէս սատկում է: Բանւորների համար նոր հոգսեր են սկսվում. օրուայ մէջ նրանք մի քանի անգամ մի տեղից միւս տեղ են կրում ձուերը, նայելով թէ տաքութեան և խոնաւութեան ինչ քանակութիւն է հարկաւոր նրանցից մըջիւնաձագեր դուրս գալու համար: Վերջապէս մի քանի օրից յետոյ ձուերից դուրս են գալիս փոքրիկ որդեր, որոնք իսկի նման չեն լինում մեծացած մըջիւններին. դրանք—մըջիւնների թրթուրներն են, որ յետոյ իսկական մըջիւն են դառնալու: Այդ թրթուրները չափազանց շատակեր են և շատ մեծ խնամք կուզեն. այդ պատճառով նրանց աշխարհ գալուց յետոյ բանւոր մըջիւնների հոգսերը աւելանում ու բարդվում են: Այդ բոլոր որդերը կամ թրթուրները սկզբում միմեանցից ոչնչով չեն տարբերվում, բայց վերջը բոլորն էլ միատեսակ մըջիւն չեն դառնում. մի քանիսը թեւաւոր էգ են դառնում, տասը քսանը՝ թեւաւոր որձ, իսկ մնացած հարիւրաւոր թրթուրները՝ բանւոր մըջիւններ: Ի՞նչ է դրա պատճառը: Ոմանք ենթադրում են, թէ այդ նրանից է, որ թագուհու բերած ձուերը միատեսակ չեն: Այն ձուերը, որոնցից որձերն են դուրս գալու, նման չեն այն ձուերին, որոնցից էգեր պէտք է դուրս գան. իսկ այն ձուերը, որոնցից բանւորներ են դուրս գալու, բոլորովին տարբեր են թէ առաջին տեսակի և թէ երկրորդ տեսակի ձուերից: Ուրիշներն էլ ուրիշ ենթադրութիւն են անում. նրանք կարծում են, թէ այն

թրթուրներն են որձ ու էգ դառնում, որոնց բանւոր մըջիւնները աւելի լաւ են խնամում ու կերակրում: Այս վերջին ենթադրութիւնը հաւանական է որ ճիշտ լինի, որովհետեւ հաստատ ստուգված բան է, որ բանւոր մըջիւնները հարկաւոր ժամանակ, երբոր ուզենան, կարող են հասարակ բանւոր դառնալու նշանակված թրթուրից որձ կամ էգ դուրս բերել: Իսկապէս ասած՝ զիտնակոնները այդ երեւոյթի պատճառի մասին ոչինչ հաստատ բան չը գիտեն, և ես չեմ ուզում ձեզ մոլորեցնել զանազան կարծիքներ ու ենթադրութիւններ յայտնելով:

Պէտք է տեսնել թէ ինչ իրարանցում է բարձրանում մըջիւնանոցում, երբոր թրթուրները սկսում են ձուերից դուրս գալ: Բանւորների սիրտը կարծես փառաւորվում է նայելով այդ պտիկ, թոյլ, բայց չափազանց շատակեր ձուտիկներին: Ամենից առաջ բանւորները նրանց տեղաւորում են փոքրիկ խուցերում և ամեն առաւօտ, եթէ որ շատ ցուրտ ու խոնաւ եղանակ չի լինում, տեղափոխում են նրանց ներքի յարկերի սենեակներից վերին յարկերի սենեակները, ուր արևի լոյսն ու տաքութիւնը աւելի լաւ են թափանցում: Յետոյ ամեն երեկոյ, որոշեալ ժամանակ, արևի մտնելուց մի ժամ առաջ, նրանց յետ են բերում ներքի յարկի սենեակները: Իսկ քիչ էք կարծում, քիչ հոգս չի պատճառում բանւոր մըջիւններին—այժմ արդէն նրանց կարող ենք դատակ անուանել—դայնակներին այդ թրթուրներին

կերակրելը: Բանն այն է, որ նրանց համարեա այնպէս պէտք է կերակրել, ինչպէս փոքրիկ երեխաներին են ծիծ տալիս: Ահա ինչպէս է անում դայեակ— մըջիւնը. առաջ ուտելիքը առնում է բերանը, ուր այդ ուտելիքը շրեշանման մի հեղուկ է դառնում, յետոյ գլուխը թրթուրի գլխին կպցնելով՝ այդ հեղուկը թափում է նրա բերանը: Պէտք է տեսնել, թէ ինչպէս են թրթուրները գլուխները բարձրացնում ու աղերսալից հայեացքով նայում դայեակներին, երբ որ նրանք մօտներովը անց են կենում, որ մարդ հասկանայ թէ ինչպէս են սովածացել ու կերակուր խնդրում: Թրթուրների մաքրութեան, խտակութեան մասին հոգալն էլ քիչ զլխացաւանք չի բանաւորների համար. նրանցից ամեն մէկին օրէնք մի քանի անգամ պէտք է բանւորները լեզուներովն ու ծնօտներովը մաքրեն ու սրբեն, որ նրանք չը հիւանդանան ու գոհ լինեն իրանց վիճակիցը:

— Հասալ ինչպէս են այդ որդերը կամ թրթուրները իսկական մըջիւն դառնում, կը հարցնէք դուք:— Մի շտապէք և լսեցէք, կստեն:

Ամեն մի թրթուր առաջ մեծանում է. յետոյ որոշ մեծութեան հասնելով սկսում է բերանից մի տեսակ կալուն հեզուկ դուրս թողել, որ օդի մէջ մետաքսանման բարակ թելերի ձև է ստանում. թրթուրը սկսում է այդ բարակ թելերի հիւսուածքով հեազհետէ իրան չորս կողմից պատել, մինչև որ նրա շուրջը կազմվում է ձուածկ մի փոքրիկ պարկ, որի մէջ նա վերջը մնում է կալանաւորի

նման: Այդ ձուածկ փոքրիկ պարկը բոժոժ է կոչվում և եթէ դուք երբ և իցէ տեսել էք շերամի շինած բոժոժներ, այն ժամանակ հեշտութեամբ կը հասկանաք թէ ինչ է մըջիւնի բոժոժը և թէ ինչպէս է նա շինում այդ բոժոժը: Ահա այդ մըջիւնի թրթուր պարունակող սպիտակ, ձուածկ բոժոժներին է, որ սովորաբար, բոլորովին սխալ կերպով «մըջիւնի ձու» են անուանում հասարակ խօսակցութեան մէջ, մինչդեռ մըջիւնի ձուերը այդ բոժոժներից մօտ հարկեր անգամ փոքր են, այնպէս որ մարդու աչքը դժուար կարող է ջոկել նրանց առանց խոշորացուցի: Այդ ձուածկ պարկերի ճիշդ անունը հարսնեակ է: Բանւոր մըջիւնները այդ բոժոժներին էլ մեծ ջանքով խնամում են. նրանց էլ այնպէս պահպանում ու տեղափոխում են օրվայ զանազան ժամերին մի սենեակից ուրիշ սենեակ՝ ինչպէս որ թրթուրներին: Ահա այդ սպիտակ պարկի մէջին է թրթուրը իսկական մըջիւն դառնում: Երբ որ մըջիւնը բոլորովին կազմակերպվում պրծնում է, պէտք է դուրս գայ իր բանտից. բայց այդտեղ էլ առանց բանւոր մըջիւնի օգնութեան բանը գլուխ չի գալիս. մի քանի մըջիւն բարձրանում են բոժոժի վրա ու իրանց ծնօտներով կրծոտում բոժոժի այն մասը, որի տակը գտնվում է մըջիւնաձագի գլուխը. երբ որ ծակը այնքան մեծանում է, որ մըջիւնաձագը կարող է միջովը անցնել, բանւորները նրան քաշում դուրս են բերում նեքսուից, զգուշութեամբ հանում են վրայից

բարակ շապիկը, որով պատած են լինում նրա մարմնի բոլոր մասերը, լիզում սրբում են նրան և սկզբում, քանի որ մրջիւնաձագը դեռ պնդվել, ուժի չէ եկել, շատ մեծ հոգատարութեամբ խնամում են նրան: Այդ բանւոր մրջիւնները, պէտք է համաձայնէք, որ նրանց համար մի տեսակ տատմայր ու մանկաբարձներ են:

Այդ բոլորից յետոյ բանւոր—գաստիարակների պարտականութիւնն է սովրեցնել ձագուկներին այն բոլորը, ինչ որ իրանք գիտեն ու անում են: Եւ, այդ գծուար բան չի: Այդ ձագուկները շուտով ամէն բան սովորում են. որովհետեւ մրջիւնի ձագ լինելով՝ մրջիւնների պէս չափից դուրս աչքաբաց ու խելօք են լինում:

VI.

Միևնոյն մրջիւնանոցի մրջիւնները իրար հետ շատ սիրով, բարեկամաբար են ապրում: Պէտք ասել, որ մրջիւնները,—թէև այդ ձեզ օտարօտի կը թուի,—զարմանալի սուր ընդունակութիւն ունեն միմեանց ճանաչելու և իրանց հետ ապրողներին օտարներից ջոկելու: Իսկ օտարներին նրանք չեն սիրում. ուրիշ մրջիւնանոցի բնակիչներին նրանք իրանց ռիսերիմ թշնամին են համարում, հալածում են նրանց չափազանց անդուժ կերպով և երբեմն ձեռք չեն քաշում, մինչև որ չեն սատկացնում: Վայ է, եթէ մի աներկիւղ մրջիւն գիտմամբ կամ պատահմամբ՝ չեմ ասում օտար մրջիւնաբուն մտնի,

այլ ոտ դնի այնպիսի շաւղի վրա, որ իրան համայնքին չի պատկանում,—խեղճի հոգին կը հանեն, կը վռնդեն, կը կծոտեն, կը սատկեցնեն, ով է իմանում՝ և ողջ-ողջ ուտեն: Բոլորովին ուրիշ կերպ են վերաբերվում նրանք իրանց ընկեր մրջիւնին, եթէ բան է նա պատահմամբ մոլորված, կորած է եղել մի քանի օր իւր մրջիւնանոցից հեռու ու վերադարձել է: Նրա վերադարձն օտար մրջիւնի գալուստի նման շուտով նկատում են, բայց այնպէս չեն ընդունում, ինչպէս օտարին. ընդհակառակը նրան դիմաւորում են զգուանքով, լիզում, սրբում են նրա մարմինը, կերակրում են նրան. մի խօսքով ամէնքն էլ մի կերպով յայտնում են իրանց ուրախութիւնը, որ նա վերադարձել է: Ես ձեզ մի քանի հետաքրքրական դէպքեր կը պատմեմ մրջիւնների կեանքից, որ դուք լաւ հասկանաք, թէ ինչ աստիճանի զարմանալի ընդունակութիւն ունին մրջիւնները իրանց ընկերներին օտարներից ջոկելու. համար:

Փորձեր են արել, մրջիւնանոցից դիտմամբ մի քանի մրջիւն են վերցրել ու օրերով, մինչև անգամ շաբաթներով, փակել են մի ծածուկ տեղ՝ ենթադրելով, որ եթէ այդքան ժամանակ անցնելուց յետոյ ընկերները նրան տեսնեն, էլ չեն ճանաչի: Բայց բանից դուրս է եկել, որ հէնց որ բանտարկվածներին թողել են մրջիւնաբունը, իսկոյն բոլորն էլ նրանց ճանաչել են, ուրախ-ուրախ ընդունել են ու սովորականից դուրս քնքշութեամբ փայփայելով՝ տարել

են ներքին սենեակները: Բայց փորձեցէք նրանց բռնը մի օտար մրջիւն գցել, տեսէք զլուխը թնչ կըբերեն, կամ կը սատկեցնեն կամ՝ ամէնաքիչը՝ ամէնախայտառակ կերպով կը վռնդեն: Ահա մի ուրիշ նոյն տեսակ գէպք էլ. փորձի համար վերցրել են երկու խումբ մրջիւններ երկու զանազան մրջիւնանոցից ու առանձին առանձին գցել՝ բերանը լաչակի կտոր քաշած՝ աղակեսայ երկու ամանի մէջ. յետոյ ամանները դրել են այդ երկու մրջիւնանոցներէից մէկի մօտ: ձիշտ է, այդ մրջիւնաբռնի մրջիւնները տեսնելով, որ իրանց ընկերները բանտարկված են, փորձ չէին անում, ոչ էլ մինչև անգամ ցանկութիւն ցոյց տալիս նրանց ազատելու, բայց պէտք էր տեսնել, թէ ինչպիսի կատաղութեամբ էին յարձակվում նրանք բանտարկված օտար մրջիւնների վրա. վազէվազ բարձրանալով ամանի վրա, մոլորվել էին ամանի բերանին քաշած լաչաքի գլխին, աշխատում էին գլուխները անց կացնել լաչաքի ծակերով ու կտոր-կտոր անել ատելի օտար մրջիւններին: Այդ վերջին գէպքի հիման վրա դուք, ընթերցողներ, կարելի է այնպիսի կարծիք կազմէք, թէ մրջիւնների մէջ օտարներին ատելու զգացմունքը աւելի զօրեղ է քան իրանց ընկերներին սիրելու զգացմունքը, ապա թէ ոչ նրանք կաշխատէին ազատել գերութիւնից իրանց ընկերներին կամ գոնէ կերակրել նրանց ու մխիթարել գերութեան մէջ: ձիշտ է, կարելի կըլինէր այդպիսի ենթադրութիւն անել, եթէ որ բոլորովին հակառակը ապացուցանող օրինակներ

չը լինէին: Գիտողները այնպիսի գէպքեր են պատմում, որոնք ցոյց են տալիս, թէ մրջիւնը՝ ընդհակառակը սաստիկ սիրում է իւր ընկերներին ու շատ սրտացաւութեամբ է վերաբերվում գէպի նրանց, երբ որ նրանց մի անբախտութիւն է պատահում: Օրինակ՝ հաստատ յայտնի է, նր նրանք վերցնում են գետնից վիրաւորվածներին ու տկարներին և տանում մրջիւնանոց, ուր նրանց ամենամեծ հոգատարութեամբ պահում ու խնամում են: Իսկ երբ որ մրջիւնը տեսնում է, որ ընկերը շատ վատ է, լաւանալու յոյս չի տալիս ու պէտք է սատկի վերքերից կամ տկարութիւնից, ընդհակառակը նրան դուրս է տանում մրջիւնանոցից ու թողնում անխնամ: Դուք լաւ զիտէք, թէ որքան գործ և հոգս ունին բանուր մրջիւնները, որքան պարտականութիւններ ունին կատարելու, այնպէս որ դուք ներողամիտ կըլինէք, որ նրանք այդպէս անգութ կերպով են վերաբերվում իրանց անյուսալի տկար ընկերներին:

Դուք տեսաք արդէն, որ մրջիւնները շատ թշնամաբար են վերաբերվում օտար մրջիւններին: Ուրեմն դուք չէք զարմանայ, եթէ ասեմ ձեզ, որ զանազան մրջիւնաբների մրջիւնները իրար գէմ պատերազմ են մղում, ճակատամարտեր են ունենում, գերի են առնում, լրտեսներ են ուղարկում, մի խօսքով անում են այն ամէնը,—ինչ որ մարդկանց կանոնաւոր զօրքերն են անում: Չափազանց հետաքրքրական տեսարաններ են ներկայացնում մրջիւնների պատերազմներն ու կռիւները: Մրջիւնների

պատերազմների նպատակը նույնն է, ինչ որ մարդ-
 կանց պատերազմներինը՝—աւերում, կողոպտում են
 թշնամիների տուն ու տեղը, ունեցած չունեցածը,
 հակառակորդներին գերի են տանում, որ յետոյ նը-
 րանց բանեցնել տան իրանց համար: Երևակայեցէք
 մըջիւնների պատերազմի հետևեալ տեսարանը: Եկի
 մըջիւնները վճռել են արշաւանք գործել սև մըր-
 մըջիւնների վրա: Սևերը չեն կարծում, որ իրանց
 վրա յարձակվող կը լինի և զբաղված են իրանց խա-
 զազ գործերով՝ նորոգում են իրանց բնակարանը,
 կերակուր են տալիս ձագերին, պաշար են կրում
 տուն: Յանկարծ բանուր սև մըջիւններից մի քա-
 նիսը նկատում են, որ հեռում՝ իրանց մըջիւնանո-
 ցի շաւղով ինչ որ մի շիկագոյն ժապաւէնի նման
 բան է շարժվում. իրար են անցնում սև բանուր-
 ները, գլխապատառ վազում են իրանց բունը, յաչ-
 տնում են բոլորին ու աղմուկ բարձրացնում: Թըն-
 դաց մեծագլուխ սև զինուորների սիրտը, շփոթվեցին
 հասարակ բանուրները, անխուսափելի մահուան մօ-
 տենալը զգացին գոնչագլուխ կոյրերը: Բայց ինչ
 արած, պէտք է մինչև արեան վերջին կաթիլը պաշ-
 տպանել հայրենի բունը, սիրելի ձագուկներին, ըն-
 տանի կենդանիներին ու բոլոր ունեցած չունեցածը:
 Բոլորը դուրս են թափվում մըջիւնանոցից, քաջ
 պահապաններ են դնում դրան մուտքի մօտ ու ըս-
 պասում են թշնամուն: Իսկ ահարկու ալիքը հետ-
 գհետէ աւելի ու աւելի մօտենում է: Լաւ նայեցէք
 այդ շարժուն շիկագոյն ժապաւէնին, — ինչ կարգ

ու կանոնով է կազմված: Սուաջից վազելով գա-
 լիս են մի քանի մեծագլուխ տեղեկաբերներ ու լըր-
 տեսներ. առաջապահ գունդը և զօրքի աջ ու ձախ
 թևերը բաղկացած են զինուոր—մըջիւնների կանո-
 նաւոր շարքերից. նրանց յետևից՝ ոչ այնքան կար-
 գաւորված՝ գալիս են հստարակ բանուրները.—այդ
 խաղաղ քաղաքացիներից հաւաքված կամաւորների
 զօրագունդն է: Զինուորների շարքերի կողքից վազ են
 տալիս մի քանի մեծագլուխ մըջիւններ, — դրանք
 նրանց զօրապետները, հրամանատարներն են, որոնք
 արշաւանքի ժամանակ առաջնորդում են մըջիւննե-
 րին և նրանց տարօրինակ, ինչ ու ձեզ համար ան-
 հասկանալի, պատուէրներ են տալիս: Վերջապէս
 զօրքը տեղ է հասնում և սկսվում է զարհուրելի, արիւ-
 նահեղ ճակատամարտ: Սկսում են կուռել ամուր
 ծնօտներով. կուռում են անկանոն խմբերով, կուռում
 են և ջոկ-ջոկ: Ահա երկու կտրիճ իրար են կպել
 ծնօտներով և նրանցից մէկը աշխատում է փորովը
 խփել միւսի վէրքին: Ի՞նչ է անում այդ, ինչո՞ւ է
 աշխատում փորովը խփել վէրքին: Ահա բանը ին-
 չումն է: Նրա փորից դուրս է թափվում մի տե-
 սակ կծու հիւթ, թոյն, որ մըջիւնային թթոււտ
 է կոչվում. եթէ այդ հիւթը ընկնի վէրքի բա-
 ցուածքի վրա, մըջիւնի բանը պրծել է, վախճանն
 եկել է: Մի այստեղ նայեցէք, թէ ինչ ծիծաղելի
 տեսարան է. մի քանի փոքրիկ շէկ բանուր—մըջիւն-
 ներ շըջապատել են մի սև զինուորի և կատաղութեամբ
 քաշքշում են նրան. վերջապէս շէկ կտրիճներից

մէկը օգտուելով յարմար ըոպէից բարձրանում է նը-
րա մէջքի վրա և ծնօտների արագ շարժումով կը-
ծում, պոկում է նրա մեծ գլուխը: Մեռաւ մեծա-
գլուխ հերոսը: Մըջիւնանոցի դրան մօտ էլ ահա-
գին տուր ու դմբոց է բարձրացել. շէկերը աշխա-
տում են մի կերպ մըջիւնանոցը մտնել. վերջապէս
նրանց յաջողում է յաղթել պահապաններին. խեղ-
ճերը հերոսաբար մեռան պաշտպանելով իրանց պահ-
պանութեան յանձնված մուտքը: Եէկերը խառն ի
խուռն, բազմութեամբ ներս են թափվում սևերի
բունը, ճանկում են ձագուկներին, բոժոժները, պա-
շարեղէնը և վագէվագ վերադառնում իրանց մըջիւ-
նանոցը: Իսկ դրսում կռիւը դեռ շարունակվում է,
թէև աւելի հանդարտ, որովհետև յարձակվողները
արդէն հասել են իրանց նպատակին: Եէկերը յաղ-
թեցին, ահա նրանք վագելով վերադառնում են իրանց
բունը՝ բերաններին բռնած սևամորթ-ձագուկներ,
գերիներ, բոժոժներ, հատիկներ և մինչև անգամ
սև մըջիւնների գիակներ, որոնց նրանք պէտք է
տանը անուշ անեն:

Տխուր տեսարան. աւերմունք և մահ. բունը
քանդված, բոժոժները ցիր ու ցան, պատերազմի
դաշտը ծածկված դիակներով, կտրված գլուխներով,
ոտներով ու ծնօտներով . . . Իրակների մէջ պը-
տոյտ են գալիս մի քանի շէկ ու սև մըջիւններ.
Նրանք գետնից ժողովում են վերաւորվածներին ու
անդամաբեկվածներին և տանում են իրանց մըջիւ-

նանոցները՝ ձեռքներից եկած օգնութիւնը հասցնե-
լու համար:

Ահա այդպիսի տեսարան է հանդիսացնում մըր-
ջիւնների պատերազմը:

Բայց շէկերին ինչի՞ են պէտք սև մըջիւնները.
ինչու են շէկերը յաղթութիւնից յետոյ սևերին ու
նրանց բոժոժները տանում իրանց բունը:—Ինչ
իհարկէ լիշում էք, որ վերև մի տեղ ասեցի, թէ
ստրուկ մըջիւններ կան: Ահա այդ սև գերիները
պէտք է ստրուկների պաշտօն կատարեն իրանց տէ-
րերի—շէկերի մըջիւնանոցում. նոյն բախտին կար-
ժանանան և այն սև մըջիւնաձագերը, որոնք դուրս
են գալիս նրանց մըջիւնանոցից՝ շէկերի աւար առած
բոժոժներից: Զանազան մըջիւնանոցներում ստրուկ-
ների պաշտօնն ու դրութիւնը տարբեր են: Այնպէս տեղ
կայ, որ ստրուկները աշխատում են մըջիւնանոցի
ուրիշ բանւորների հետ ու նրանց հաւասար դա-
յեակների, մատակարարերի, որմնադիրների, որս ճա-
րողների և այլն պաշտօն են կատարում. այնպէս
տեղ էլ կայ, որ ստրկատէրերը նրանց մըջիւնանո-
ցի շէմքից դուրս չեն թողնում, այնպէս որ նրանք
պէտք է միայն տան գործերով պարապեն մըջիւ-
նանոցի մէջ, այսինքն պէտք է իրանց տէրերի ձա-
գուկներին պահեն ու կերակրեն: Վերջին գէպքում՝
մի մըջիւնանոցից ուրիշ մըջիւնանոց տեղափոխելիս
ստրկատէրերը չեն թողնում որ ստրուկները ոտով
գնան, այլ իրանք են նրանց վերցնում տանում,
երևի վախենալով, որ չըլինի թէ նրանք յարմար

Ժամանակից օգուտ քաղելով՝ փախչեն իրանց հայրենի մըջիւնանոցը: Աերևը լիշած երկու դէպքումն էլ ստրուկների դրութիւնը շատ էլ անտանելի չէ և համարեա ոչնչով չէ զանազանվում իրանց բանւոր տէրերի դրութիւնից: Նոյնը չէ կարելի ասել այն մըջիւնանոցների ստրուկների մասին, որոնց տէրերը այն աստիճան փչացած են, որ ոչինչ չեն անում: Այդտեղի բանւոր մըջիւններին որ տեսնէք, աչքներիդ չէք հաւատայ, այնքան ծուլացել են, որ իսկի բանւորի նման չեն: Միակ գործը, որ նրանց կարծիքով իրանց պատուից ստոր չէ,—այդ պատերազմն է, որ նրանց միջոց է տալիս աւելացնելու իրանց ստրուկների թիւը նոր գերիներով: Աւրիշ բաներում այդ ազաները բոլրովին անպէտք, սգորմելի արարածներ են:

Ծիծաղելի դէպք են պատմում նրանց մասին: Բանն այն է, որ նրանք ոչ միայն իրանց համար բուն շինել չը գիտեն, կերակուրը իրանք չեն ճարում ու ձագուկներին խնամելու շնորհք չունեն, այլև մինչև անգամ պատրաստ կերակուրը առանց ստրուկների օգնութեան չեն կարողանում ուտել: այդ ամէնը, մինչև անգամ՝ ինչպէս տեսնում էք, տէրերին կերակուր ուտեցնելը ստրուկների վզին է դրած: Այժմ դուք հեշտութեամբ կարող էք երևակայել, թէ ինչ անօգնական և ծիծաղելի դրութիւն կը լինի տէրերի դրութիւնը, եթէ մէկը վերցնի ու բոլոր ստրուկներին նրանցից հեռացնի: Մի կատակասէր գիտող մի անգամ այդպիսի փորձ է արել և

ինչ. աղա—մըջիւններից շատերը սոված սատկել են. աւելի պինդ կազմուածք ունեցողները սաստիկ թուլացել ու նիհարացել են քաղցածութիւնից, և անչափ ուրախացել են, երբ որ նորից նրանց մօտ մի քանի ստրուկ մըջիւն են թողել, որոնք իսկոյն սկսել են նրաց լիզել, մաքրել ու կերակրել: Այդ ծոյլ ազաները զրկվել են մինչև անգամ շարժվելու ընդունակութիւնից, այնպէս որ ստրուկները պէտք է նրանց վերցնեն տանեն, եթէ մի որևէ պատճառով՝ օրինակ թշնամիների աւերումից լետոյ՝ պէտք լինի փոխվել մի նոր մըջիւնաբուն:

Եթէ որ մինչև այժմ ձեր լսածը, կարգացածը շատ էլ զարմանալի չէ ձեր կարծիքով, և չէ ցոյց տալիս, թէ մըջիւնները շատ խելօք արարածներ են, ես, պատմութիւնս վերջացնելու համար՝ մի վերջին աստիճանի հետաքրքրական դէպք կը հաղորդեմ ձեզ նրանց կեանքից: Ահա թէ ինչ է պատմում Փօխտ անունով գիտնականը, իր մի բարեկամի փորձի մասին:

Մըջիւնները ուտում, փչացնում էին նրա պարտեզի կեռասը-բալին. նրանց ոտը այդ ծառից կտրելու համար՝ նա ծառի բունին օղաձև, մի մատի լայնութեամբ՝ չիբուխի միջից քերած՝ թամբաբուլի մրուր քսեց: Ահագին խմբով ծառը բարձրացող մըջիւնները հէնց որ այդ սօսնձանման ու գարշահոտ օղակին հասան, զլուխները շուռ տուին ու լետ դնացին: Այն մըջիւնները, որոնք ծառի վրա էին և ուզում էին ցած իջնել, չհամարձակվեցին անց կենալ օղակի վրայով. նրանք նորից վեր բարձրացան

ու ճիւղերի վրայից իրանց վայր գցեցին: Սյրպիսով կարճ ժամանակում նրանք համարեա բոլորը քաշվեցին ծառից: Բայց մի ժամանակից յետոյ մըջիւնները էլի սկսեցին ծառի բունովը վեր բարձրանալ: Նրանցից ամէն մէկը բերանին բռնած տանում էր մի կտոր հող. հասնելով օղակին նրանք սկսեցին ամենայն զգուշութեամբ հողի կտորները մէկ-մէկի մօտ թամբաքուռի մըրուրի վրա դնել, այնպէս որ քիչ-քիչ կազմվեց կարգին խճուղի, որը նրանք մեծ խնամքով ու ջանքով տրորելով, պնդացրին ու լայնացին: Յետոյ, երբ որ կէս մատի լայնութեամբ շերտ կազմվեց, մըջիւնները բոլորովին անվտանգ կերպով սկսեցին երկայն շարքով բարձրանալ ծառի վրա և շուտով ծառը ծածկվեց աւերիչ մըջիւնների այնպիսի բազմութեամբ, որ սևացաւ . . . »

Մարդ որ նայում է մըջիւնին, չէ ուզում հաւատալ, թէ այդ հասարակ միջատի մէջ այդքան խելք ու շնորհք կայ: Սակայն, էլի կրկնում եմ, այն բոլորը, որ ես նոր ձեզ պատմեցի, հէքեաթ ու հնարովի բաներ չեն, այլ բազմաթիւ գիտնականների ճիշտ գիտողութիւններ, գիտնականների, որոնք տարիներով ուշադրութեամբ ուսումնասիրել են մըջիւնների կեանքը



Արց. Գր. բաժն. 15... 9550

2013

« Ազգային գրադարան



NL0082820

